

Ximomalwi ipan tlen kokolistli kinmakah tlanimitilmeh kemin tempacholmeh tlen kitemakah chichiwalayotl iwan mokokowah

Kokolistli tlen kinmakah tlanimitilmeh mopanoltia ika tempacholmeh tlen kitemakah chichiwalayotl wan pollohmeh tlen kaltzakteh inin kokolistli kualtis mitzpanoltiliskeh iwan kichiwas ximokokolismakah.



- Inin kokolistli kualtis yetos itech chichiwalayotl tlen xoxowik, noch ayotl tlen kikixtia itech itlakayoh.
- Moxitinia kampa ihxowah, itech tlalpinolli nosoh tlachipinalli tlen yiwe itech ehekatl. Inin kualtis kalakiski itech moixtololoh, moyekatzol, mokamak wan ahsis itech mopopotzok. nosoh
- Nonihki kualtis moxitinis tlakeh tikitzkis itla tlen yikipia inin kokolistli wan tikitzkis moyekatzol, moixtololowah iwan mokamak.

Xikmalwi moixtololowah, moyekatzol iwan mokamak.

Xiknehneki tlen tlakemitl kimalwia motlakayoh , kampa tiktekapanowa itlah tlen sawel temohtih kemih:

- Tikintlapatzkilis tempacholmeh, tikitzkis chichiwalayotl xoxowik nosoh titlachipawas kanin kinchichiwalatzkah.
- Tlakeh titlahpixtoh kanin kateh tempacholmeh tlen mokokowah nosoh tikintlachipawia kanin kateh nosoh
- Tikinkitzkia tempacholmeh tlen omikh nosoh tikintlachipawia kanin kateh.



Xiknehneki ixtekatl
(ixtekatl tlen kikawalia se tepitzin mapanoh ehejatl inin kitekawiliah amo ma panoh chichiwalayotl itech moixtololoh).

Nonihki kualtis tiknehnekis itla tlen makitlakehti moxayak ipan ixteskatl. Tlakeh ihkon tikneki kampa mitzpalewis tlakeh itlah atl tzikuinis.



Nonihki xiknehneki se tenkamapachol N95 kampa akachi timomalwis ika tlen kokolistli yiwe itech ehekatl. Inin tenkamapacholmeh kipia ihkuilitok "N95". Tlen okseki tenkamapacholmeh amo yinelli mitzmalwiski.




Xiknehneki matlakemitl wan amo xiketzki moxayak.

Semihkak xikinpakto wan xikinchipahtoh momawah kampa titekipanowah. Kualtis tiknehnekis xapohayotl tlen makipia alcohol, tlakeh amo ohka kanin timomahtikis.

Ahtopan tias mokalehtik, ximomahtikih wah ximihxamih.



Akin mitztekimakah monekilia mitztliokolis nochi tlen ika timomalwis, nosoh kualtis titlapowas kanin tepahtia. Xikilnamiki tlen tlakemitl ika timomalwis yeh tlen moneki ipan tekitl tlen tikchiwah.



Tlakeh sanilihkah pewa tikmochillia itlah tlen kuatis yiski tzonpiliwlistli, kemin tiixtolochichilewah nosoh tiixtenpahpachiweh, totonik, tisisikmikih, tiihititonewi nosoh titlakayotonewi, miak ipati xitlapowah kanin timopahtia nosoh itech kaltlapahtiloyah kanin ma mitzitakah kox tikpia inin kokolistli iwan ma mitzpahtikan.

Tlakeh amo tikpia seguro médico, kualtis tiklahtlanis amo patio ma mitzmakah kanin timopahtia, kanin pahtanimakoyan nosoh kaltlapahtiloyah kanin kualtis mitz palewiski kampa tikowas.

Kampa kualtis titlapowas itech se kaltlapahtiloyah tlen amo kahki wehkah, xitlapowah itech teposmekatl Semanawak Olocholistli ipan Yolikayotl Tlatoktlakewalmeh

(NCFH) Centro Nacional para la Salud del Trabajador Agrícola +1 (800)377-9968
(ixtlamachilistli kahki ika kastellanohtlahtolli iwan inglestlahtolli)

nosoh itech tepostlahkuilolli WhatsApp itech (737) 999-4162

(ixtlamachilistli kahki ika kastellanohtlahtolli iwan inglestlahtolli)

nosoh xikamapowa amochtli kanin neskayotokih teposmekameh tlen kipia kaltlapahtilmeh tlen powi itech kaltlapalewihkan tlen yolilistli iwan semanawak olocholistli tlen tepahtihki itech altepemayomeh (NACCHO) Departamentos de Salud Locales de la Asociación Nacional de Funcionarios de Salud de Condados y Ciudades (NACCHO, ika moihkuilowah ika inglestlahtolli). Nonihki xontlachia itech tepostokotzawal <https://www.naccho.org/membership/lhd-directory> (nikan tikahsis ixtlamachilistli san ika inglestlahtolli)

Tlakeh tikneki tigmatis okseki ipan inin kokolistli tlen kinmakah tlanimitilmeh, ipan yolkayotl iwan kenin moneki momalwiski tlakewalmeh itech altepetl California, xontlachia itech tepostokotzawal tlen powi itech Tekipanohkapan ipan yolkayotl tlen powi itech altepetl

California (CDPH,) Departamento de Salud Pública de California (CDPH, kampa moihkuilowa ika inglestlahtolli), ipan tzonpiliwlistli tlen kinmakah tlanimitilmeh: <https://www.cdph.ca.gov/Programs/CID/DCDC/Pages/Influenza-Aviar.aspx>.

(nikan tikahsis ixtlamachilistli ika kastellanohtlahtolli)

